



Siège national  
47 rue d Clichy  
75311 Paris Cedex 09  
Tél : 01 45 96 03 05

## MITADIAVA NY TOMPO DIENY MBOLA HITAZY

(Isaïa 55.6a)

Sabotsy 2 Mey 2020

### JESOSY LOHARANON'AINA

(Jaona 7:34-43)

Mitarika : Pasitera Heritsimba ANDRIANASOLO

Amin'ny anaran'Andriamanitra Ray, Zanaka, Fanahy Masina ! Amena !

**Hiran'ny Antoko Mpihira : "Hay teo foana i Kristy"**

Vavaka ataon'ny mpitandrina

Teny fampidirana ny lohahevitra

**Hira : 207 FFPM and. 3 ("Soa ny teninao")**

3. Soa ny teninao  
Mahatsara ny fo  
Fa ao no hitanay  
Misy Mpanavotra;  
Jeso, Loharanon'aina,  
Mahasasa ny meloka.

## VAKITENY VOALOHANY : JAONA 7.34-36

34 Hitady Ahy ianareo, fa tsy hahita ; ary izay itoerako dia tsy azonareo haleha. 35 Dia niresaka hoe ny Jiosy : Hankaiza moa no halehan' ilehity, no tsy ho hitantsika ? Hankany amin'izay miely any amin'ny Grika va Izy ka hampianatra ny Grika ? 36 Ahoana re izao teny nolazainy izao hoe : Hitady Ahy ianareo, fa tsy hahita ; ary izay itoerako tsy azonareo haleha ?

Teny fanazavana

**Hira : 244 FFPM and. 1 sy 5 ("Ry Jeso, mba henoinao")**

1. Ry Jeso, mba henoinao  
Ny feonay mpanomponao,  
Izay mivavaka aminao  
Mitady fitahiana.

5. He, tsinontsinona izahay,  
Malemy sady tsy mahay;  
Ka dia ampaherezonao  
Hanaovanay ny sitrakao.

Vavaka isan-tokantrano

- Fandinihan-tena ny amin'ny antony itadiavanao an'Andriamanitra
- Vavaka ho an'ny fianakaviana hitady an'Andriamanitra amin'ny finoana marina

- Vavaka ho an'ny Fiangonana hanao izay hahitan'ny olona an'Andriamanitra
- Vavaka ho an'ny Mpitondra mba hitadiavany ny sitrapon'Andriamanitra.

### Vavaka ataon'ny mpitandrina

#### VAKITENY FAHA-2 : JAONA 7.37-38

*37 Ary tamin' ny andro farany, izay andro lehibe tamin'ny andro firavoravoana, dia nitsangana Jesosy ka niantso nanao hoe : Raha misy olona mangetaheta, aoka izy hanatona Ahy ka hisotro. 38 Izay mino Ahy, dia hisy onin'ny rano velona miboiboika avy ao an-kibony, araka ny voalazan'ny Soratra Masina.*

#### Teny fanazavana

#### Hira : 459 FFPM and. 1 ("Jeso Loharanon'aina")

1. Jeso Loharanon'aina,  
Jeso Masoandronay!  
Izao ny fonay mitaraina,  
Mba velomy izahay!  
O, savao ny zavon-tany  
Ao am-pandehananay,  
Dia lanao ihany  
No ho Masoandronay.

#### Vavaka isan-tokantrano :

- Vavaka fanoloran-tena sy fangatahana ny ranon'aina
- Vavaka ho an'ny marary sy ny mpitsabo hinoany fa ao amin'i Jesoa ny loharanon'aina
- Vavaka ho an'ny fianakaviana mba hivelona amin'ny finoana an'i Jesoa Loharanon'aina

### Vavaka ataon'ny mpitandrina

#### VAKITENY FAHA-3 : JAONA 7.39

*39 Ary ny Fanahy, izay efa horaisin'ny mino Azy, no nolazainy tamin' izany ; fa ny Fanahy tsy mbola nomena, satria Jesosy tsy mbola niditra tamin'ny voninahiny.*

#### Teny fanazavana

#### Hira : 176 FFPM and. 1 sy 2 ("Avia, Fanahy Masina ô")

1. Avia, Fanahy Masina ô!  
Midina eto aminay;  
Fenoy ny hasoavanao  
Ny fonay noforoninao.

2. Tongava, ry Mpananatra ô  
Nomen'Andriamanitra  
Ho loharano velona  
Hiboiboika ao am-po.

#### Vavaka isan-tokantrano

- Vavaka ho an'ny mino tsirairay mba ho feno sy tarihin'ny Fanahy Masina
- Vavaka ho an'ny fianakaviana mba hivelona ao amin'ny Fanahy Masina
- Vavaka ho an'ny Firenena mba hanjakan'ny Fanahy Masina

### Vavaka ataon'ny mpitandrina

## VAKITENY FAHA-4 : JAONA 7.40-43

40 Ary ny sasany tamin'ny vahoaka, raha nandre izany teny izany, dia nanao hoe : Ity tokoa no llay Mpaminany. 41 Hoy ny sasany : Ity no Kristy. Fa hoy kosa ny sasany : Avy any Galilia va no ihavian' i Kristy ? 42 Tsy voalazan'ny Soratra Masina va fa Kristy dia avy amin'ny taranak'i Davida, sady avy ao Betlehema, vohitra nonenan' i Davida ? 43 Dia nisara-tsaina ny amin'i Jesosy ny vahoaka.

### Teny fanazavana

Hira : 268 FFPM and. 5 ("Ry Jeso, hatanjaho")

5.Ry Jeso! hatanjaho  
Ny Fiangonanao  
Ny fony halalaho  
Mba hitoeranao  
Izay firaisan-tsaina  
Miseho hatrety  
Velomy hanana aina  
Hitohy hatrany

### Vavaka isan-tokantrano

- Vavaka mba hohatanjahan'ny Tompo ny finoan'ny tsirairay ka ho tia ny firaisana
- Vavaka ho an'ny Fiangonana mba ho tanteraka ao anatiny ny firaisan-tsaina
- Vavaka ho an'ny Firenena mba hanjakan'ny firaisan-kina sy fiadanana

### Vavaka ataon'ny mpitandrina + Rainay....

## TENY FANDRAVONANA : 2KORINTIANA 6.16-18

16 Ary inona no ikambanan' ny tempolin' Andriamanitra amin'ny sampy ? Fa isika no tempolin' Andriamanitra velona, araka ny nataon' Andriamanitra hoe : "Honina eo aminy Aho sy handeha eo aminy ; ary ho Andriamaniny Aho, ary izy ho oloko". 17 Koa mivoaha eo aminy hianareo, ka misaraha aminy, hoy ny Tompo, ary aza manendry izay zavatra tsy madio ; ary izaho handray anareo. 18 Ary ho Rainareo Aho, ary ianareo ho zanako-lahy sy ho zanako-vavy, hoy ny Tompo Tsitoha.

## Hira ataon'ny Antoko Mpihira : Entre tes mains (CU 2012)

### Tsodrano :

13 Ary Andriamanitra ny fanantenana anie hameno anareo amin'ny fifaliana sy ny fiadanana rehetra amin'ny finoanareo, mba hitomboanareo amin'ny fanantenana noho ny herin'ny Fanahy Masina. Amena !

Voninahitra ho an'Andriamanitra Ray sy Zanaka ary Fanahy Masina izay hatramin'ny taloha indrindra ka ho mandrakizay. Amena ! Mandehana amin'ny fiadanana ka manompoa ny Tompo !

Isaorana anie Andriamanitra !